

घनश्याम म्हाने आकर दर्श

घनश्याम म्हाने आकर,दर्श दिखाओ बाबा श्याम,
म्हारा सांवरा ओ मनगरिया श्याम,

मन में थारी आश हे,हे थारो विश्वास,
दर्शन चांवा आपका,पुरो म्हारी आश,
घनश्याम थारी मनहर सुरत दिखाओ प्यारा श्याम,
घनश्याम म्हाने आकर,दर्श दिखाओ

मोर मुकुट कटी काछिनी,घुँघर वाला केश,
पित वसन तन पर सजे,नट नागरियो भेष,
घनश्याम थारा कुण्डल की बलिहारी प्यारा श्याम,
घनश्याम म्हाने आकर,दर्श दिखाओ

होठ गुलाबी रस भरिया,मुख में नागर पान,
मुरली सोहे हाथ में,मीट्टी सी मुस्कान,
घनश्याम थारे गल बिच हार हजारी प्यारा श्याम,
घनश्याम म्हाने आकर,दर्श दिखाओ

कमर सुहानी करघनी,लडिया लटके लाल,
पगल्या पायल बाजनी,हीरो चमके भाल,
घनश्याम थारा नैनां नेह पिटारी बाबा श्याम,
घनश्याम म्हाने आकर,दर्श दिखाओ

जय मुरलीधर माधवा,जय जय नंदकिशोर,
जय हो तेरी प्राण धन,सांवर के चितचोर,
घनश्याम म्हारे हिवडे आय विराजो प्यारा श्याम,
घनश्याम म्हाने आकर,दर्श दिखाओ.....

<https://alltvads.com/bhajan/lyrics/id/3019/title/ghanshyam-mhane-akar-darsh-dikhao-baba-shyam>

अपने Android मोबाइल पर [BhajanGanga](#) App डाउनलोड करें और भजनों का आनंद ले |